

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

7. Cùm dilecti filii &c. Ordo sanctæ Crucis Huyensis Leodiensis Diœcesis,
approbatus & confirmatus per Innocentium IV. sub Regula S. Augustini &
Constitutionibus Fratrum Prædicatorum.

[urn:nbn:de:hbz:466:1-74452](https://nbn-resolving.de/urn:nbn:de:hbz:466:1-74452)

A N N O
1243.

cari non possint, vel terra eorum supponi ecclastico interdicto, seu quod non possint conveniri coram ordinario vel alio quoque judece per litteras sedis ipsius quandiu parati fuerint coram deputatis eis ab eadem sede judicibus respondere absque speciali dicta sedis mandato faciente plenam de induito hujusmodi mentionem, sive aliqua alia indulgentia praedictae sedis generali vel speciali de qua vel cuius tuto tenore oporteat in nostris litteris mentionem fieri & per quam effectus praesentium impediri valeat vel differri.

Datum Lugduni, III. Cal. Aprilis, Pontificatus nostri anno octavo.

Johannes Pann.

V I.
Ex M S S.
P. P. Prædi-
cat. Rotho-
megensis.

Quod nulli ex Fratribus Præparatoribus licet in electionem vel postulationem de se factam ad Episcopatum, vel alias dignitates invitit superioribus, consentire. Quodque nullus Archiepiscopus nec Apostolica sedis Legatus, aliquem de fratribus ad Episcopatum vel alias dignitates assumere praesumatur.

INNOCENTIUS EPISCOPUS,

Servus Servorum Dei, dilecto filio Magistro ordinis Fratrum Præparatorum salutem & Apostolicam benedictionem.

Peritio tua nobis exhibita continebat, quod cum aliqui fratres tui ordinis in aliquibus Ecclesiis in Episcopos eliguntur, vel postularunt: iidem fratres, licet proprium velle non habebant aut nolle propter hoc quod renunciaverunt mundo & propriæ voluntati, & per se nequeant consentire, tamen irquisitis prioribus suis provincialibus, quorum licentia & Testimonium essent in talibus requirenda, dum electionibus, sive postulationibus de se factis temere consentiunt, & locorum Archiepiscopi fratres ipsos in Episcopos assumere ac ordinare praesumunt: propter quod plerunque in eodem ordine scandalum generatur, super quo provideri per sedem Apostolicam humiliiter postulatis.

Cum autem prædictum ordinem, cum sit recta vitæ speculum, salutifera conversationis exemplar, velimus semper de bono in melius, Deo proprio, prosperari: auctoritate praesentium de speciali gratia districtus inhibemus, ut nulli præfati ordinis fratres, si eos in Episcopos eligi, aut postulari forte contingit electioni sive postulationi de se factæ audeant consentire, nec aliquis Archiepiscopus, seu quicunque alius prælatus, vel etiam Legatus sedis ipsius dictos fratres, nisi de tua, vel ipsorum priorum provincialium, qui pro tempore fuerint, licentia & consensu, aut sedis ejusdem speciali mandato ad Episcopatus & alias dignitates extra dictum ordinem assumere vel ordinare praesumat.

Nos enim decernimus irritum & inane quicquid contra inhibitionem hujusmodi à quibuscumque contingit attentari auctoritate Sedis Apostolicæ semper salva. Nulli ergo &c. Datum Perusii III. Id. Julii, Pontificatus nostri anno IV.

Similes postmodum litteras dedit Clemens Papa IV. Viterbiæ III. Calendas Junii Pontificatus sui anno IV.

A N N O

1243.

V I I.
Extracta ex
Manusc. par-
vo Bullario
Conventus S.
Crucis Par-
tienlis.

Ordo sanctæ Crucis Huyensis Leodiensis Diœcesis, approbatus & confirmatus per Innocentium IV. sub Regula S. Augustini & Constitutionibus Fratrum Præparatorum.

INNOCENTIUS EPISCOPUS,

Servus Servorum Dei Dilecto filio Electo Leodiensi salutem & Apostolicam benedictionem.

Cum dilecti filii prior & fratres Sanctæ Crucis Leodiensis Diœcesis supradicta secundum Regulam sancti Augustini & quasdam Institutiones fratrum præparatorum, sicut afferunt, Domino famulati nobis humiliter supplicaverint, ut ipsis uenti Divinis officiis & institutionibus eorundem licentiam largiremur, ita tamen quod alium habitum deferre valeant, ac possessiones recipere, si eis pietatis intuitu à Christi fidelibus conferantur. Volentes igitur in hac parte tibi deferre, qui eorum Dioecfanus existis, discretioni tuae per Apostolica scripta mandamus quatenus eisdem auctoritate nostra postulata concedas, si videris expedire. Datum Lugduni decimo Kalendas Novembbris, Pontificatus nostri anno sexto.

Sequitur Littera executoria Electi Leodiensis super commissione sibi facta.

Henricus Dei gratia Leodiensis Ecclesiæ Electus Dilectis filiis priori & fratribus Sanctæ Crucis extra muros oppidi Huyensis nostræ Dioecesis salutem in Domino. Noveritis, quod cum in anno à Nativitate Domini millesimo ducentesimo quadragesimo octavo ultima die mensis Novemboris recipimus per manus vestras quasdam Litteras Apostolicas à Sanctissimo in Christo Innocentio quarto Divina providentia nobis specialiter directas quam tenor de verbo ad verbum noscitur esse talis: Innocentius Episcopus Servus Servorum Dei etc. ut proximè suprà. Super quod mandatum Apostolicum nos qui de approbatione & confirmatione ordinis Cruciferorum sub titulo Sanctæ Crucis per certa indulta Apostolica verisimè sumus informati, vosque fons, & tanquam Caput totius ordinis memorati in Loco vestro propè Huyum nostræ Leodiensis Diœcesis per Sedem Apostolicam instituti, & quia Ecclesiæ Christi fidelibus temporibus nostris diligenter affectamus augmentare, ac etiam vos Crucis servitores ob reverentiam cruciferi, in cuius titulo & passione etsi vos reverenter signati, in vestris bonis affectionibus & contemplationibus conservare Divinis per nostrum consilium cum matura & discreta deliberatione, visa & considerata supplicatione vestra in litteris Sanctissimi in Christo Patris & Domini nostri Papæ, nostræ consensu & specialiter ad experientiam nostram commissa, etiamque Beati Augustini Regula approbata, vissique Institutionibus fratrum Præparatorum, inter quos prædictas institutiones plurima Capitula cum prologo præcedenti, videlicet, Quoniam ex precepto Regule iubemur habere cor unum, & animam unam in Domino etc. ad usum vestrum, (prout nobis promisisti) in codem libro compilantur, qui Liber Institutionum, seu statutorum nuncupatur, in quo primo determinat de officio Ecclesiæ, & Inclinationibus, de suffragiis mortuorum, de jejunis, de cibo & colatione, de Inclinationibus, de infirmis & ministracione, de Lectis & vestitu, de rasura & silentio, de

reci-

ANNO
1248.

recipendis novitiis & corum instructione, de professione qua primò debet fieri ab omnibus profentibus in quibuscumque Domibus existentibus Priori Huyensi, prout in dicta Constitutione plenius continetur de levi culpa, de gravi culpa, de graviori, & gravissima culpa, de apostatis, de Dominibus concedendis & constituendis, de electione priorum, qui omnes per Priorem Huyensem tenentur confirmari & institui, de electione Definitorum Capituli generalis, de Capitulo quotidiano, de Capitulo generali quod quolibet anno in Huyense celebratur, ad quod Capitulum omnes priores vel procuratores Domus sue, sive Conventus convenire sunt astricti. De visitatoribus qui per priorem Huyensem committuntur nisi de se voluerit visitare, & priores exules super filias domus, secundum quod in dicta Constitutione continetur. De Itinerantibus, de Conversis, sub quibus Institutionibus, seu Constitutionibus praemissis vobis & successoribus vestris, omnibusque alii fratibus habitum deferentibus sanctæ Crucis, & à Domo vestra dependentibus, in quibuscumque locis existentibus tam praesenti bus quam futuris utendi de Divinis officiis & Institutionibus praemissis, ac etiam tenendi possessiones in communi si à Christi fidelibus vobis, & omnibus membris vestris intuitu pietatis conferantur, autoritate Domini nostri Papæ in hac parte nobis commissa concedimus facultatem, atque pro temporibus futuris vos, & successores vestros in perpetuum secundum Constitutiones, seu Institutiones praemissas & Regulam B. Augustini memoratam regulariter vivere autoritate praemissa per presentes concedimus, in cuius rei testimonium praesentem paginam sigillo nostro fecimus insigniri. Datum in Castro nostro Huyensi Anno gratia millesimo ducentesimo quadragesimo octavo, ultima die mensis Decembris.

ANNO
1254.ANNO
1254.

ALEXANDER QUARTUS PONTIFEX CLXXXIII.

ANNO DOMINI MCCLIV.

Alexander Anagninus, antea Raynaldus, vel Rolandus nuncupatus Innocentium exceptit, sub quod Guelphorum, & Gibelinorum turbis Italia astuabat. Obiit anno 1261. Pontificatus Sexto. (*Magni Bullarii Romani Tom. I. hujus Editionis Luxemb. 1727. fol. 106.*)

I.
Ex Anecd.
Martene
Tom. I. Col.
1059.

Revocatio quarundam literarum, & sententiae ab Innocentio IV. latæ in Regulares : anno 1254.

ALEXANDER EPISCOPUS,

Venerabilibus universis Archiepiscopis & Episcopis ac dilectis filiis abbatis, prioribus, decanis, Archidiaconis, Archipresbyteris, & aliis Ecclesiasticis tam secularibus quam regularibus, cuiuscumque ordinis & professionis existant, salutem & Apostolicam benedictionem.

Non insolitum est neque novum, ut ea quæ per occupationem vel in festinantia fiunt,

pro eo quod congrue lineam deliberationis praerunt, in propensionis considerationis reducantur examen, ut rectiora & eliminationa per attentionem plenioris discussionis emanent. Sanè quedam ab Apostolica Sede tempore felicis recordationis Innocentii Papæ IV. prædecessoris nostri litteræ procerferunt, in quibus ipse universis religiosis cuiuscumque professionis vel ordinis existant, districte in virtute sanctæ obedientie injungebat, ut Parochianos alienos diebus Dominicis & festis non reciperent de cetero in suis Ecclesiis seu Oratoriis temere ad divina, nec ipsos ullatenus ad pœnitentiam admitterent, sine suorum Licentia Sacerdotum: nec eis in suis prædicarent Ecclesiis ante Missarum Solemnia, pro quibus audiendis prima diei parte iidem parochiani consueverunt, & debent in suis Ecclesiis convenire: nec sermones etiam solemnes facerent illa hora, sed nec ad predicandum solemniter ad Parochias alienas accederent nisi essent ab earum sacerdotibus invitati; vel saltet nisi se ad id humiliter paterner & obtinerent admitti; nec ea die qua Diocesanus Episcopus vel altius loco ejus prædicaret solemniter maximè in Ecclesia cathedrali, aliquis ipsorum in eadem civitate vel loco præsumeret prædicare. Si verò in casu lictio Parochianum alterius eos in suis Ecclesiis recipere ad sepulturam contingenter, omniumque obtentu consequentur hujusmodi sepulture portionem canoniam, vel non requisiti infra octo dies à tempore receptionis eorum Episcopo vel Sacerdoti de cuius Parochia mortuus est assumptus exhibere curarent. Si autem aliquis religiosorum ipsorum hujusmodi transgressor contra prædicta vel aliqua prædictorum venire præsumeret, præter inobedientia vitium & excommunicationis sententiam, quam eum incurre voluit ipso facto, gradus sui periculo subjaceret, & nihilominus à Diocelano ad præmia & singula observanda per censuram Ecclesiasticam, appellatione remota, difficiens cogeretur, nullis ei contra hujusmodi indulgentiis & privilegiis Apostolicis valiturus. Verum quia super praemissa litteris cogitare attentius & studioius deliberae proponimus pacis commodum, & quietis solatium Ecclesiis & personis Ecclesiasticis potissimum cupientes prefatas litteras & si quæ aliae super prædicti vel eorum aliquo contra præfatos religiosos & aliquos ex ipsis, generaliter & specialiter, præter formam communem & solitam processere, ac mandata seu præcepta facta in eis, vel earum auctoritate duximus penitus revocanda. Ideoque universitatē vestrā per Apostolica scripta mandamus, quatenus per hujusmodi litteras vel occasione mandatorum seu præceptorum aut sententiæ quam continent, nihil prorsus agaris cum nullam deinceps efficaciam habeant vel vigorem.

Datum Neapoli XI. Calendas Januarii Pontificatus nostri anno primo.

Quod nullus fratum Prædicatorum alii possit peccata confiteri, quamvis Prælatis, nisi urgente necessitate: anno 1254.

ALEXANDER EPISCOPUS,

Servus Servorum Dei, dilectis filiis universis fratribus Ordinis Prædicatorum Salutem & Apostolicam benedictionem.

Cum magister & Priors Ordinis vestri more petit medici vinum & oleum sciant infundere vulneribus fauciati, auctoritate vobis præsentium inhibemus, ne aliquis vestrum alii quam Prælatis suis peccata sua confiteri prælumat nisi necessitate urgente periculo, vel nisi forsitan dictus magister vel Prior proprius alicui fratri licentiam

II.
Ex Anecd.
Martene
Tom. I.
Col. 1060.